

Guangjisi Minzcu Bau

ganhhau: CN45-0036 B.2020 Nd.3 Ng.18 liggaueq gengceij nienz ndwengeih ngeihhaj

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3415 期

Bi 2020 "Sam Nyied Sam Bouxcuengh·Aen Ciet Angq Betgveiq" Aen Hoih Fatbouh Sinhvnz Youq Namzningz Banh

Bonjbauq siusik (gicej Vangz Sinhyingj/王新颖) Ndwen 3 ngoenz 16, bi 2020 "sam nyied sam Bouxcuengh·aen ciet angq Betgveiq" aen hoih fatbouh sinhvnz youq Namzningz banh. Aen hoih fatbouh gaisau le bi 2020 "sam nyied sam" cujyau hozdung neiyungz caeuq couzbwh cingzgvang.

Bineix dwg bi cienzmienh hwnjguh baenz aenbiengz siujgangh caeuq bi satbyai "cibsam haj" gviveh, dwg bi daihseiq swcigih dangiveij, cwngefuj dajcauh "sam nyied sam Bouxcuengh·aen ciet angq Betgveiq" vwnzva lijyouz siufeiq binjbaiz, hix dwg bi youqgaenj gyavaiq doicaenh hwnjguh dieg ak vwnzva lijyouz. Vih gaenxmaenx wngqdoiq binghra q yingyangj, bineix yaek hopheux aen cawjdaez "hoenx binghra q, buet siujgangh, baenaj seizdaih

moq", yienh'ok gij daegsaek "sam nyied sam mbouj doxdoengz, gwnz muengx comz hix gyaunde", yungh gwnz muengx guhdaez, banh "sam nyied sam Bouxcuengh·aen ciet angq Betgveiq" vwnzva lijyouz siufeiq binjbaiz baenzdaug hozdung, youq mwh youqgaenj hoenx binghra q, cau'ok gij heiqfaenh ngoenzciet baenaj, raeujrub, nauhyied, fungfouq gij ndwenngoengz cingsaenz vwnzva vnzlai, bangdoi dauq haihong guhhong.

"Sam nyied sam Bouxcuengh·aen ciet angq Betgveiq" comz guh seizgan dwg ndwen 3 ngoenz 26 daengz ndwen 4 ngoenz 26, baugvat "sam nyied sam Bouxcuengh·heiqfaenh Mbanjcuengh noengz" "sam nyied sam Bouxcuengh·angj minzcuz diyyuz" "sam nyied sam Bouxcuengh·doxdueng youz Guengjsae" "Guengjsae gyaunde·ciet

ndwenngoengz raeuj sim sam nyied sam" "sam nyied sam Bouxcuengh·doxhuz youq Betgveiq" haj aen banjgvai, ndawde, vih comz rengz, saenqhwnq siufeiq, bineix "muengx e angq cawx" banjgvai swnggaep baenz "ciet ndwenngoengz raeuj sim sam nyied sam", yaek laebdaeb daengz ndwen 5 ngoenz 26, hawj saedyienh aen moegbiu raeuj sim, raeuj haw, raeuj ndwenngoengz. Ndwen 3 ngoenz 26 "sam nyied sam" ngoenzhaenx, yaek cingqsik hainduj aen hozdung "sam nyied sam Bouxcuengh·aen ciet angq Betgveiq", caemhcai youq Guengjsae Gvangjbo Densidaiz, Guengjsae Sinhvnzvangj daengj doiok cezmuz daegbied, hawj gyoengq vnzlai youq ranz hix ndaej roxnyinh gij heiqfaenh noengzndw angqgvaq ngoenzciet minzcuz conzdungj.

SIUSIK DINJ

● Mboengqneix, Hozciz Si Gunghdengiz, Vanzgyangh Gunghdengiz caeuq Vanzgyangh Donzyenveij lienzhab youq Dacai Yangh, haiguh aen hozdung gagnyienh fugsah. 50 lai boux bouxcoz bouxgagnyienh caeuq duiyenz aen doih guhhong capyouq mbanj bae daengz gyang reih gyang naz, ciengj seiz mbwn ndei, guh ndei yawhfuengz binghra q doengzseiz, bang ranzgungzhohj dwk bwnh caeuq dajndaem makgam, bangrengz seizcin dajndaem.

(Veiz Yencunh)

● Mboengqneix, Dwzbauj Yen youq Nazgyaz Cin Dacangh Cunh dieggoek gonengznuengx banh aen hoih son'gyauq dinfwngz ciengx nonsei dajndaem gonengznuengx. Baez son'gyauq neix, cujyau son dinfwngz fuengz yw nonsei baenzbingh caeuq fuengz yw gonengznuengx deng nonhaih, caemhcai dangciengz gejdap gij vwndiz siengzsaedq vnz ciengx nonsei cam haenx.

(Banh Cigyangz)

● Daj baenz binghra doxdaeuj, Nazboh Yen Dwzlungz Yangh cujiz cunh ganbu, canhyw, gingicaz, bouxgagnyienh gapbaenz aen doih riuzdoengh cunz lenzfangz lenzgung hoenx binghra q, doenggvaq Vahbujdungh, Vahcuengh, Vahmyauz daengj lai cungj vah bae daengz gak mbanj cunz naeuz, senhconz gij cihsiz yawhfuengz binghra q.

(Denz Gyauhnaz)

● Mboengqneix, Lozyez Yen Yajcangz Yangh youq Veijgouh Cunh Mbanjnazcwnz banh aen yizsi Yajcangz Yangh Cwngefuj, Aen Cungsam Anceiq Yizminz ndaw yienh, Gendungh Douzshw Cizdonz doengzaez bangfuz Yajcangz Yangh "seiq siuj canjnieb" fat gaeqlwg, baez neix fat gaeqlwg mbouj au cienz cienzbouh dwg gij gaeqlwg ndei dingj ndaej bingh caeuq gvenq dieg vaiq.

(Cinz Yenvaz)

Loegguh "Dangzgoq Gyang Mbwn Sam Nyied Sam" Cienzboq Minzcuz Vwnzva



Ndwen 3 ngoenz 12, Namzningz Si Vujmingz Gih Daibingz Cin Gingloz Siujyoz lauxsae cingq loegguh aen gocwnz "dangzgoq gyang mbwn sam nyied sam". Ciuq cam rox, "dangzgoq gyang mbwn sam nyied sam" youz Guengjsae gyaauyuz bouhmonz cujiz mbanj hagdangz fucwz loegguh, yungh "gou gyaenz sam nyied sam Bouxcuengh, minzcuz doxgiet ranz vnz ndeu" guh cawjdaez, yaek youq "sam nyied sam Bouxcuengh" gonqlaeng yungh gij hingzsiq "dangzgoq gyang mbwn" boquengq hawj siujhagseng daengx gih. Ndaw doz dwg lauxsae cingq loegguh dangzgoq.

(Luz Boh'an)

Denzlinz: Minzcuz Mouyi Giyez Bangrengz Vut Gungz Gunggeng

Geij bi neix daeuj, Denzlinz Yen gaenxmaenx doeksaed gij cwngecwz leih minzmou minzbinj, rengzrwd bang minzmou minzbinj giyez hwngfat, coicaenh minzmou minzbinj giyez mboujduenh hwngfat guh hung doengzseiz, gaenxmaenx sonyinx giyez hengz gij cwzyin ndawbiengz, bangdoi hong vut gungz gunggeng, rengzrwd coicaenh gizdieg ginghci ndawbiengz hwngfat, gyalai minzcuz doxgiet.

Guengjsae Denzlinz Hozbingz Dangzyez Mizhanh Gunghshw ciuq gij iugouz baijbouh moix bi yenveij, yen yinzminz cwngefuj fat haenx, haenqrengz senhconz dungyenz gij youqgaenj dajndaem oij, doenggvaq aen bingzdaiz

saenqsik, veihsin, nem gvangjgau, venj fukbaengzhoengz daengj fuengsik guh senhconz. Doengzseiz, haenqrengz songyauq dinfwngz dajndaem oij, baujmaenh oij sou ndaej lai. Daengz seizneix, daengx yienh dajndaem oij faenbouh youq 14 aen yanghcin 127 aen hingzcwngcunh, 11669 ranz dajndaem oij, dajndaem najdieg 18.06 fanh moux, ndawde 4690 ranz ranzgungzhoh dajndaem oij, najdieg daengz 4.73 fanh moux.

Guengjsae Denzlinz Yen Sinhfuzyenz Youzcazbya Haifat Mizhanh Gunghshw yungh "gunghshw+dieggoek+hozcozse + nungzhoh" hwngfat vunqsik, doenggvaq "bangfuz lienzhab gingh-

yingz", cingjhab swhyenz. Gonqlaeng youq Cejmyauz Yangh lienzhab ginghyingz dajndaem 2000 moux dieggoek guhyienh youzcaz biucinj sang, youq Bazdu Yangh Fuzdaz Cunh Mbanjbanhmaj caeuq Aen Hozcozse Ciennieb Dajndaem Mak Byaek Yingzswng lienzhab ginghyingz dajndaem 3000 moux dieggoek guhyienh youzcaz song sang, gonqlaeng lienzhab ginghyingz 280 lai ranz ranzgungzhoh. Linghvaih, vih caenh'itbouh daiqdoengh nungzhoh gaenxmaenx dajndaem youzcaz, gunghshw lai baez cingj lauxhangz daeuj son'gyauq dajndaem, son nungzhoh dinfwngz dajndaem, baujmaenh ndaej vut gungz gunggeng. (Dwng Veijsi)